

姑蘇齊門外蠡口東居住奉

佛呂頭神意者為女使施氏千四娘臂疾不安施財刊雕

放光摩訶般若波羅蜜經一卷功德拜薦

先考四五宮義呂公一位

尊竟往生佛界祈福保佑施氏疾病安痊增延福壽者

乙丑歲淳元年孟夏吉日題

放光摩訶般若波羅蜜經卷第九 第九

西晉三藏無羅叉共竺叔蘭譯

雨法品第三十

於是釋提桓因意念言尊者須菩提所說法為雨法兩三千大千刹土從四天王上至阿迦膩吒天各各念言今須菩提所說法兩我等寧可作華散佛世尊及諸菩薩大弟子眾及散須菩提上今時三千大千刹土諸釋提桓因及諸四天王各化作華散佛菩薩及比丘僧及散須菩提上持是供養般若波羅蜜諸天散華應時普遍三千大千國土地無空缺處譬如敷座也虛空中華未墮地者應時

化成華交露臺殊妙嚴事時須菩提意念我數至天上初未曾所見如是華比是諸天子所散華者不從樹生化華耳釋提桓因語須菩提是華非生華亦非意樹華須菩提言如拘翼所言是華亦非生華亦非意樹華拘翼若不生者是為非華釋提桓因語須菩提但是華不生耶五陰亦復不生耶須菩提言是華及五陰俱亦無所生若無使不生為非五陰六情亦無所生為非六情六波羅蜜亦無所生若六波羅蜜不生為非六波羅蜜從內外空至有無空亦不生若不生者為非有無空三十七品佛十八法亦不生若不生者為非十八法至薩云若亦不生若不生者為非薩云若釋提桓因意念言今須菩提辯才深妙乃如是耶隨其所應而為說法無有違背佛告釋提桓因如是如是拘翼須菩提實為深入辯才第一隨其所應而為說法無有違錯釋提桓因白佛言惟世尊云何須菩提隨

其所應而為說法而不違錯佛告拘翼五陰六情但有數耳以五陰六情但有數故是故須菩提所說無錯何以故如法者亦不違錯亦不和合以無和無錯是故須菩提所說無錯至六波羅蜜及內外空至有無空三十七品佛十八法皆如是從須陀洹道至辟支佛

道至薩云若薩云若事亦如是從須陀洹羅漢辟支佛上至佛三耶三佛拘翼亦復是法數所施耳須菩提所說亦復如法教所施是故所說無有違背何以故拘翼如法者亦不和亦不錯以不和以不錯故須菩提作是說法隨其所應無有違錯須菩提言如是如是

法

放光九

二

拘翼如佛世尊施諸法教菩薩摩訶薩行般若波羅蜜當知諸法亦復但是法數所施拘翼菩薩作是學者為不學色痛想行識亦不見五陰當所學者如是學者為不學六波羅蜜何以故不見六波羅蜜當所學者如是學者不學內外空及有無空何以故不見空法

有所學者如是學者為不學三十七品佛十八法不學須陀洹道不學羅漢辟支佛道不學薩云若何以故不見薩云若當所學者釋提桓因白須菩提言何以故不見五陰至薩云若亦不見耶須菩提言是故拘翼五陰五陰自空薩云若薩云若自空何以故不可空

色而學色空不可以薩云若空學空薩云若不作空學為學空不以二學如是學不以二事學五陰空亦不以二事學薩云若空拘翼不以二事學空五陰者為學六波羅蜜為學內二事學薩云若空者為學六波羅蜜為學內外空至有無空為學三十七品為學佛十八法不以二事學為學須陀洹至羅漢辟支佛不以二事學為學三耶三佛亦不以二事學為學薩云若學佛學薩云若者為學不可計阿僧祇諸佛法學諸佛法者不學增五陰不學減五陰亦不增薩云若學亦不減薩云若學如是不增不減學者亦不受五陰亦不中

法

放光九

三

道滅五陰學至薩云若亦不受學亦不中道
滅薩云若學舍利弗語須菩提菩薩作是學
亦不受薩云若學亦不中道滅薩云若學耶
須菩提報言如是如是舍利弗復問何以故
從五陰至薩云若亦不受學亦不中道滅薩
云若學報言色自無受亦無有受色者薩云
若亦自無受亦無受薩云若者從內外空至
有無空亦自不受亦無受空者如是舍利弗
菩薩摩訶薩於諸法無所受是故於薩云若
中出生舍利弗言菩薩學般若波羅蜜於諸
法無所受為出生薩云若耶須菩提言如是
如是舍利弗復問菩薩作如是學於諸法無
所受亦不學受亦不學滅云何出生薩云若
須菩提報言菩薩行般若波羅蜜亦不見色
生亦不見色滅亦不受亦不不受亦不著亦
不斷亦不增亦不減何以故舍利弗不以五
陰故有亦不見生亦不見滅亦不見受亦不
見不受亦不見著亦不見斷亦不見增亦不

見滅何以故舍利弗不見五陰有乃至薩云
若亦不見故滅亦不見受亦不見著斷亦不
見增減何以故薩云若空故無所得是故菩
薩於諸法無所生無所滅無所受無著無斷
無增無減學般若波羅蜜出生薩云若當作
是念亦無所學亦無所出釋提桓因問舍利
弗菩薩當從何所求般若波羅蜜舍利弗報
言拘翼菩薩摩訶薩當從須菩提所轉品中
求釋提桓因言以須菩提因緣恩力使舍利
弗言菩薩摩訶薩般若波羅蜜當於須菩提
所轉品中求須菩提報言拘翼非我因緣恩
力釋提桓因言是誰之恩力所處須菩提言
是佛威神恩力所處釋提桓因言諸法皆無
處所云何言是佛之威神所處乎如來亦不
於異無處所法中見佛亦不於異如中見須
菩提言如是拘翼如來亦不於餘處中見亦
不於異處如中見亦不以如來為如亦不以
如為如來亦不以五陰如為如來亦不以如

羊

放光九

四

來為五陰如亦不以五陰法為如來亦不以
如來為五陰法亦不以薩云若如為如來亦
不以如來為薩云若如亦不以薩云若法為
如來亦不以如來為薩云若法拘翼若佛與
五陰法不合亦非不合者亦不離五陰法有
合不合亦不離五陰如有合不合乃至薩云
若薩云若法如亦不合亦不不合亦不離薩
云若薩云若法如亦不合亦不不合拘翼以
是諸法不合不散神力之所處是為無處所
行如拘翼屬之所問當於何所求般若波羅
蜜亦不於五陰中求亦不離五陰中求何以
故拘翼般若波羅蜜五陰是法亦不同亦不
異亦無有形亦不可見亦無有礙一相一相
者則無相復次拘翼菩薩摩訶薩求般若波
羅蜜亦不離薩云若求亦不於薩云若求何
以故般若波羅蜜薩云若及所求者亦不同
亦不異亦無形亦非見亦不礙一相一相所
謂無相何以故般若波羅蜜亦非五陰亦不

離五陰般若波羅蜜亦非薩云若亦不離薩
云若五陰如亦非般若波羅蜜般若波羅蜜
亦不離五陰如般若波羅蜜亦非五陰法亦
不離五陰法般若波羅蜜亦非薩云若法亦
不離薩云若法何以故拘翼是諸法云不有
亦不可得以諸法不可得故五陰非般若波
羅蜜般若波羅蜜亦不離五陰般若波羅蜜
亦非五陰法亦不離五陰法般若波羅蜜亦
非五陰如亦不離五陰如般若波羅蜜亦非
薩云若亦不離薩云若亦非薩云若如亦不
離薩云若如亦非薩云若法亦不離薩云若
法釋提桓因言摩訶波羅蜜是菩薩摩訶薩

之大度波羅蜜者是諸菩薩無量無限之大
度於是中學得須陀洹斯陀舍阿那舍阿羅
漢辟支佛於中學成菩薩淨佛國土教化衆
生成得阿耨多羅三耶三佛須菩提言拘翼
如是如是如釋提桓因所言無異已得者不
當得者皆當從般若波羅蜜中成阿惟三佛

以五陰大故般若波羅蜜亦廣大拘翼五陰云無前亦無後亦無中亦無邊際至薩云若亦如是拘翼是為菩薩摩訶薩之大度以五陰無有量是故菩薩摩訶薩無量之度何以故五陰不可量故譬如虛空不可度量五陰亦不可度量以空不可度量五陰亦不可度量以五陰不可度量般若波羅蜜亦不可量乃至薩云若不可量故菩薩之度般若波羅蜜亦不可量何以故拘翼薩云若亦不可量如虛空不可平量以薩云若不可平量虛空不可平量以虛空不可平量般若波羅蜜亦不可平量以是故拘翼菩薩摩訶薩般若波羅蜜不可平量空亦不可平量以五陰無底菩薩般若波羅蜜亦無底何以故五陰底邊際不可得見故乃至薩云若亦無有底菩薩般若波羅蜜亦無有底何以故拘翼薩云若亦不可得底亦不可得邊際故是故菩薩般若波羅蜜無有底從五陰無有底至薩云若

亦無有底復次拘翼以因緣無有底故菩薩般若波羅蜜亦無有底釋提桓因言惟須菩提云何因緣無底菩薩般若波羅蜜無底報言以薩云若因緣無底故菩薩般若波羅蜜無底法因緣無底是故菩薩般若波羅蜜無底又問云何法因緣無底菩薩般若波羅蜜六無底報言拘翼法性無底故菩薩般若波羅蜜無底如因緣無底菩薩般若波羅蜜無底復問云何如因緣無底菩薩般若波羅蜜無底答言如如無底如因緣無底以如因緣無底菩薩般若波羅蜜無底衆生無底菩薩般若波羅蜜無底復問云何衆生無底菩薩般若波羅蜜無底答言於拘翼意云何何所法言有菩薩者亦不以法言亦不非法言但假名舉字耳是名所舉亦無有形所舉名字亦無因緣所舉字及衆生亦無因緣於拘翼意云何般若波羅蜜頗說有作衆生者不惟須菩提無有也拘翼若無有說作衆生者何所

衆生有底拘翼如來無所著等正覺住壽如恒邊沙劫言衆生有生衆生有滅於拘翼意云何頗有衆生有生者有滅者不答言不也須菩提何以故衆生淨故無所有淨故以是故拘翼當知衆生無底般若波羅蜜亦無有底亦無有邊際

放光摩訶般若波羅蜜經歎品第三十一
尔者諸梵王與諸梵天俱在會中釋提桓因與釋眷屬及妹女衆亦在會中釋梵諸天子各各數言須菩提所說法快哉快哉皆是佛之威神因緣能演布是教若有不遠離是般若波羅蜜行者我等當視是輩菩薩摩訶薩

當如如來亦無有能得見是法者亦無有能見色痛想行識者至薩云若三乘教處羅漢辟支佛及佛亦不可得佛告諸天子如是如是如諸天子所言法無可得者亦不可見從色痛想行識至薩云若皆不可得亦不可見但有三乘之教耳三乘之教亦不可得亦不

可見有行是般若波羅蜜無所倚者當視如如來何以故於般若波羅蜜中廣說三乘之教故亦不離六波羅蜜而得佛者亦不離内外空及有無空亦不離三十七品佛十八法亦不離薩云若而得佛者諸天子菩薩盡當學知諸法從檀波羅蜜至薩云若以是故當

知是菩薩爲如如來佛告諸天子昔者我於華嚴國從提和竭佛以來初不離六波羅蜜内外空至有無空三十七品四禪四等及四空淨諸三昧門陀隣星門佛十種力四無所畏四無礙慧大慈大悲佛十八法餘無央數諸佛上法初不離此諸法亦無所倚是時提和竭佛便記我言後阿僧祇劫當來之世汝當作佛号釋迦文如來無所著等正覺無上士道法御天人師於是諸天子白佛言惟世尊甚奇甚特菩薩摩訶薩行於般若波羅蜜薩云若無取無捨於五陰法亦無所取亦無所捨時佛於四輩弟子中比丘比丘尼優婆

塞優婆夷諸菩薩摩訶薩諸四天王上至阿
迦膩吒諸天等見諸衆已定佛告釋提桓因
拘翼若有菩薩摩訶薩比丘比丘尼優婆塞
優婆夷及諸天子天女受持般若波羅蜜者
諷誦讀者復布現與人使諷誦習念不離薩
云若意者魔及魔天子不能得其便何以故

是善男子善女人住五陰空無相無願行故
無有能得空無相無願便者乃至薩云若空
行亦無能得薩云若空便者不見是事可得
便者拘翼是善男子善女人非人不能得
其便何以故是善男子善女人有大慈大悲
以四等心加衆生故拘翼是善男子善女人

華
放光九

隨其壽命終不中錯何以故尔用是善男子
善女人行檀波羅蜜時等爲一切衆生故以
是故壽命不錯拘翼是三千大千國土諸四
天王忉利天焰天兜術天左摩羅天波羅左
蜜天梵天阿波會天首訶旣那天惟于頗羅
天是諸天人發至阿耨多羅三耶三菩意者

是諸天子所未聞般若波羅蜜者未諷誦讀
持者是諸天子皆當習行般若波羅蜜諷誦
讀持意常不離於薩云若者拘翼是善男子
善女人行般若波羅蜜若有受持諷誦讀說
習念守行不離薩云若意者是善男子善女
人若遠出空寂處若露坐若在家終不恐終

不怖何以故尔用是善男子善女人明於內
外空及有無空故亦無所倚尔時三千大千
國土諸四天王上至首陀會天俱白佛言惟
世尊我等當護是善男子善女人行般若波
羅蜜諷誦讀說習守持者我當擁護使不離
薩云若何以故以菩薩來往因緣斷三惡趣

斷天人貧斷人中貧斷是輩災變斷諸飢餓
般貴以菩薩摩訶薩來往因緣故以十善之
事現於世間便知有四禪四等四空定六波
羅蜜從內外空至有無空便知有三十七品
佛十八法至薩云若以菩薩來往因緣故世
間便知有利利長者種便知有婆羅門大姓

業

放光九

九

種便知有轉輪聖王便知有四天王天上至
阿迦膩吒天菩薩來往因緣故便知有須陀
洹斯陀舍阿那舍阿羅漢辟支佛道便知有
教授衆生便知有淨佛國土以菩薩來往因
緣故便知有佛世尊如來無所著等正覺便
知有轉法輪便知有三寶以是故諸天阿須
倫諸世間人皆擁護是菩薩摩訶薩佛告釋
提桓因如是拘翼用菩薩來往因緣故三惡
趣斷佛三寶興以是故諸天世人皆當共恭
敬承事是菩薩摩訶薩供給其所當常擁護
之拘翼供養承事是菩薩摩訶薩當如恭敬
承事供養我當作是知如供養如來無異是
故拘翼諸天世人當作是恭敬之拘翼使三
十大千國土滿中甘蔗竹葦稻麻叢林皆為
聲聞辟支佛其數如是若有善男子善女人
悉供養承事給其所須不如是善男子善女
人供養承事發意行六波羅蜜菩薩者何以
故拘翼不以有羅漢辟支佛故知有菩薩如

來無所著等正覺以有菩薩因緣故乃知有
羅漢辟支佛三耶三佛是故拘翼諸天世人
當恭敬承事是菩薩摩訶薩當擁護之

放光摩訶般若波羅蜜經降衆生品第三十二
尔時釋提桓因白佛言惟世尊甚奇甚特受
持般若波羅蜜誦習讀守行念者為得現

世功德教授衆生淨諸佛國從一佛刹至一
佛刹見諸佛已意欲供養隨其所願轉得供
養具足善本所從諸佛聞經法者至得三耶
三佛初不中忘便得家成就得父母成就得
生成就得眷屬成就得相成就得光明成就
得眼成就得耳成就得三昧成就得陀隣尼

成就以漚和拘舍羅變身如佛從一國至一
國至無佛處到已便稱歎六波羅蜜之功德
稱歎内外空及有無空四禪四等及四空淨
皆稱歎是之功德又復稱歎三十七品佛十
八法之功德以漚和拘舍羅為衆生說法以
三乘降衆生釋提桓因白佛言快哉世尊甚
業
甚
九
十

奇甚特云何持般若波羅蜜惣持五波羅蜜亦復惣持三十七品至佛十八法亦復惣持至聲聞辟支佛亦復惣持薩云若薩云若事佛告釋提桓因如是拘翼持般若波羅蜜者為已惣持諸波羅蜜已為已惣持三十七品佛十八法聲聞辟支佛法薩云若事悉惣持

已復次拘翼持般若波羅蜜者執者讀者念者諸所可得功德之應且聽諦聽是善男子善女人所得功德今為汝說之釋提桓因言惟世尊願樂欲聞佛言若有異學外道若魔及其部眾頑悞之人念欲破壞者念欲乖錯者諸持惡意欲來壞者皆不從願便中道滅

去何以故拘翼是菩薩摩訶薩長夜行六波羅蜜以眾生貪諍於財故菩薩悉棄捨內外所有法安立眾生故行檀波羅蜜以諸眾生行惡戒者故菩薩棄捨內外法安立眾生於尸波羅蜜以眾生長夜有鬪訟怨恚故菩薩棄捨內外法安立眾生於羼波羅蜜以眾生

懈怠故菩薩棄捨內外法安立眾生行於惟遠波羅蜜以眾生常亂意故菩薩棄捨內外法安立眾生使行禪波羅蜜以眾生耽於惡智故菩薩棄捨內外法安立眾生使行般若波羅蜜以眾生住於生死恩愛故是故菩薩波羅蜜茶溫九和拘舍羅於恩愛中拔擢於生死十一

安立於四禪四等四空定三十七品空無相無願勸助安立勸立眾生得須陀洹至阿羅漢勸立眾生得辟支佛勸立眾生使行菩薩得佛拘翼行菩薩之行是為得現世奇特之德後世便使得阿耨多羅三耶三菩阿惟三佛便轉法輪隨眾生所應而度脫之是為菩薩後世奇異之德復次拘翼善男子善女人受持般若波羅蜜者若諷誦讀有守行般若波羅蜜者其地震魔及魔天異學外道頑悞之人若欲壞亂者若欲中道斷者若有鬪訟持惡意向者終不得發是意是菩薩其行功德轉更高顯殊異無能逮者以般若波羅蜜

音聲故出生三乘而得度脫辭如拘翼有藥名摩祇有蛇虺飢行求索虫欲食之虫遙見蛇虺虫走趣藥所蛇欲得往以藥氣故不能得前何以故以藥威德故使蛇中道還拘翼是摩祇藥威德乃尔若有善男子善女人行般若波羅蜜若諷誦讀習持守行有欲乱者

若欲斷壞聞諍向者以般若波羅蜜威德之力故隨其所起處令於彼間便自滅去何以故尔般若波羅蜜者是諸法之定也非諸法之諍何等諸法謂婬怒癡從無黠十二因緣意有所著有我見有人見有衆生見有盡見有常見無垢見無有見衆邪見嫉惡戒見瞋

恚見懈怠乱意惡智常見有樂想淨想我想思愛行受色痛想行識受六波羅蜜受内外空受有無空受三十七品受十八法受薩云若受於泥洹增益五根是爲諸法之定三千大千刹土諸四天王諸釋提桓因及諸梵天乃至阿迦膩吒天是諸天人皆擁護是善男

子善女人行般若波羅蜜者諷誦讀說習持守者十方諸現在佛皆共擁護是善男子善女人行般若波羅蜜者諷誦讀說習持守者諸惡悉消諸善增益於六波羅蜜轉復增益亦無所倚於内外空亦復增益而無所倚於三十七品佛十八法諸三昧門陀隣左門薩

兼

放光九

十三

云若慧悉轉增益而無所倚所言說者人皆信用與諸衆生共作朋友所語無失終無瞋恚終不自用亦不嫉妬自不殺生教人行慈爲衆生稱歎不殺之德常復讚歎諸不殺者常自遠離於不與取教人不盜常復稱歎不盜之德自行清淨教人不婬亦復稱歎不婬之德身自遠離妄語麁言惡口綺語亦常遠離嫉恚邪見教人正見亦復讚歎正見之德自行六波羅蜜常勸助人行六波羅蜜常復稱說行六波羅蜜之大功德自行内外空勸人行空亦復稱歎行空之德有無空亦復如是自行陀隣左諸三昧門教人行持學諸三

昧歎說惣持三昧之德自行四禪教人行禪
稱說行禪定意之德自行四等教人行四等
亦復稱說慈悲功德自行四無形定教人行
之稱譽無形定之功德自行根力三十七品
教人使行亦復稱譽道品功德自行三三昧
八惟無九次第禪如來十力四無所畏四無

礙慧大慈大悲佛十八法薩云若慧教人行
薩云若讚歎稱譽薩云若之功德常行六波
羅蜜所可布施皆與衆生共爲阿耨多羅三
耶三菩亦無所倚所作布施持戒精進忍辱
一心智慧但爲一切衆生之類今得度脫阿
耨多羅三耶三菩亦無所倚善男子善女人

若

放光

十三

作如是行於六波羅蜜生念言若我不布施
者或生貧賤家便不能得教授衆生亦不能
得淨佛國土亦復不能得薩云若我若不持
戒者或生三惡趣不得人身便不得教授衆
生淨佛國土亦不得薩云若我不行忍辱
者便毀壞諸根亦不能得覆面舌相形不成

就不得菩薩具足行身教授衆生淨佛國土
亦不能得成薩云若我若不精進有懈怠者
或生惡處身不明了亦復不能教授衆生淨
佛國土成薩云若我若不行禪意不定者亦
不能得諸三昧慧教授衆生淨佛國土成薩
云若我若我行惡智者便不能得漚和拘舍羅

度羅漢辟支佛地亦不能教授衆生及淨佛
土成薩云若善男子善女人當作是念我不
可隨貪嫉之心而不具足行檀波羅蜜我不
可隨惡戒故而不具足行尸波羅蜜我不可
以瞋恚故不具足行羸波羅蜜我不可以懈
怠故不具足行惟逮波羅蜜我不可以亂意
故不具足行禪波羅蜜我不可從惡智故不
具足行般若波羅蜜我不具足行六波羅蜜
者終不出生薩云若是善男子善女人受持
誦誦守行般若波羅蜜者當得現世後世功
德意終不離薩云若意釋提桓因白佛言惟
世尊甚奇甚特快哉般若波羅蜜者是菩薩

摩訶薩之所施為將導乃介佛言拘翼云何
般若波羅蜜為菩薩摩訶薩作施為將導釋
提桓因白佛言諸所世俗布施不以漚和拘
舍羅若與佛及聲聞辟支佛及與貧窮乞丐
者無漚和拘舍羅者便墮貢高言我具足行
檀尸波羅蜜彞惟逮波羅蜜禪波羅蜜言我

具足行般若波羅蜜於世俗波羅蜜中便墮
貢高言我具足三十七品行三三昧言我具
足行陀隣尼諸三昧門言我具足於十種力
佛十八法我當教授衆生淨佛國土言我當
得薩云若慧以入吾我貢高者是為世俗般
若波羅蜜菩薩行是世俗法者便入吾我貢

高菩薩摩訶薩行道檀波羅蜜者亦無吾我
想亦無施想亦無物想亦無受施者想是為
行般若波羅蜜菩薩摩訶薩之施為將導菩
薩行戒不有尸波羅蜜行於忍辱亦不有彞
行於精進亦不有惟逮行於定意亦不有禪
波羅蜜行大智者不有般若波羅蜜行三十

七品乃至佛十八法亦無所有亦無所倚行
大慈大悲行薩云若者亦無所有亦無所倚
世尊是為行般若波羅蜜菩薩之施為將導

放光摩訶般若波羅蜜經卷第九

菜九

放光摩訶般若波羅蜜經卷第十

菜十

西晉三藏無羅叉共竺叔蘭譯

守行品第三十三

佛告釋提桓因若有善男子善女人受是深
般若波羅蜜諷誦讀持習行守者拘翼是善
男子若入鬪戰中終不中道損其壽命若刀

矛箭終不中其身所以者何是善男子長夜
行六波羅蜜已自降伏婬慾之劍恚癡之刺
復為他人降婬怒癡已自降伏邪見劍刺復
為他人降邪見劍又自降伏習緒劍刺及恩
愛刺復能為他人降伏習緒恩愛之劍拘翼
用是故善男子善女人不為矛劍刀箭所中